

2025- mi inuusuttunut ilinniartfinni naammassinnittarnerit

Saqqummersitami uani ilinniartut ilinniakkamik aallartitsinermit ukiut 1-10 qaangiunnerini ilinniartermi killiffii saqqummersinneqartarput. Ilinniartut ilinniakkaminnik naammassinnissimasut ilinniakkap aallartinneraniit ukiut quliut tungaannut qaangiunnerini agguaqatigiissillugu naammassisarnermut pct.-iat tabelinit naatsorsorneqarsinnaavoq.

Tabelini ilinniartermi killiffiit naatsorsukkat tassaapput:

- Ilinniakkami pineqartumi aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allanngortitsisut sillimaffigineqarput.

Saqqummersitami inuusuttunut ilinniartfinni ilinniakkat kisimik pineqarput. Ingerlariaqqiffiusumik ilinniartfinni naammassinnittarnerit pillugit saqqummersitaq stat.gl –imi takuneqarsinnaavoq.

Ilinniakkamik aallartissimasamik naammassinnittarneq

Ilinniarnertuunngorniartfik ukiunik pingasunik sivilissusilerneqarsimasumik ilinniarnertuunngorniartermik (GUX), GUX-imik atuarterit ukiut marluk pisartut soorlu eGUX aammalu inersimasunut ilinnialernissamat piareersarluni pikkorissarnermik, 2016 sioqqullugu ukiumik ataatsimik sivilissusilerneqarsimasumik, imaqarpoq. Sanilliussisinaanissaq peqqutigalugu ilinniarnertuunngorniarterit ukiunik pingasunik sivilissusillit kisitsisini paasissutissani kisimik ilanngunneqarput.

2020-imi ilinniarnertuunngorniartut aallartissimasut 46 pct.-ii ukiut pingasut qaangiunnerini ilinniakkamik naammassinnissimapput. Ukiut tallimat qaangiunnerini naammassinnissimasut 58 pct.-imut qaffassimapput.

Inuussutissarsiornermik ilinniartfinni ilinniakkat sivilissususaat siammasipput, taamaattumik kisitsisini paasissutissani inuussutissarsiornermik ilinniakkanut naatsunut ukiup affaaniit ukiunik marlunnik sivilissuseqartunut aammalu inuussutissarsiornermik ilinniakkanut nalinginnaasunut minnerpaamik ukiunik marlunnik sivilissuseqartunut immikkoortiterneqarput. 2021-mi inuussutissarsiornermik ilinniartfinni naatsuni aallartissimasut 65 pct.-ii ukiut marluk ingerlanerini ilinniakkatik naammassisimavaat. Ukiullu marluk qaangiunnerini 67 pct.-iisa ilinniakkatik naammassisimallugit.

Inuussutissarsiornermik ilinniakkani nalinginnaasuni naammassinnittarnermut pct.-i appasinneruvoq. Ukiut sisamat ingerlanerini 41 pct.-ii ilinniakkaminnik 2019-imi aallartissimasaminnik naammassinnissimapput. Ukiut arfinillit qaangiunnerini 48 pct.-ii ilinniakkaminnik naammassinnissimapput.

Titartagaq 1. Inuusuttunut ilinniartinnit ukiunik marlunnik sivilisinerusumillu sivilisussuseqartuni naammassinnittarnermut pct.-i, 2019-imi, 2020-imi 2021-milu aallartittut malillugit




Nalunaarut: Ilinniarnertuunngorniartinnit ilinniagaq ukiunik pingasunik sivilisussusilik kisimi pineqarpoq. Naammassinnittarnermut pct.-i ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq: Ilinniarnertuunngorniarneq (2020), inuusutissarsiornermik ilinniakkat naatsut (2021), inuusutissarsiornermik ilinniakkat nalinginnaasut (2019). Ilinniakkat sivilisussusaat ukioq kaajallallugu naatsorsorneqarput ilinniarnertuunngorniarnermullu ukiut pingasuullutik, inuusutissarsiornermik ilinniakkanut naatsunut ukiut marluk aammalu inuusutissarsiornermik ilinniakkanut nalinginnaasunut ukiut sisamat. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11L>).

Arnat angutillu akornanni naammassinnittartut

Ilinniarnertuunngorniartinnit aamma inuusutissarsiornermik ilinniartinnit naatsuni aallartittartut arnat amerlanerusarput, angutit inuusutissarsiornermik ilinniartinnit sivilisuuni aallartittartut amerlanerusartut. Angutit arnallu aallartinneranniit ukiut marluk sinnerlugilluunniit qaangiunneranni, ilinniarnissamat piffissarititaasoq malillugu, naammassisimasut arnat amerlanerulaarput.

Arnat 2020-imi ilinniartinnit aallartissimasut 64 pct.-ii ilinniarnertuunngorsimapput angutit 48 pct.-ii ilinniarnertuunngorsimasut. Inuusutissarsiornermik ilinniartinnit naatsuni arnat 2021-mi aallartissimasut 70 pct.-ii angutillu 62 pct.-ii naammassinnissimapput. 2019-imi nalinginnaasumik inuusutissarsiummik ilinniartinnit aallartissimasut arnat 54 pct.-ii aamma angutit 43 pct.-ii naammassinnissimapput.

Titartagaq 2. Inuusuttunut ilinniarfinni ukiunik marlunnik sivilunerusumillu sivilussuseqartuni naammassinnittarnermut pct.-i, 2019-imi, 2020-imi 2021-milu aallartittut suaassusaat malillugu




Nalunaarut: Ilinniarnertuunngorniarniarfinni ilinniagaq ukiunik pingasunik sivilussusilik kisimi pineqarpoq. Naammassinnittarnermut pct.-i ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq: Ilinniarnertuunngorniarneq (2020), inuussutissarsiornermik ilinniakkat naatsut (2021), inuussutissarsiornermik ilinniakkat nalinginnaasut (2019). Ilinniakkat sivilussusaat ukioq kaajallallugu naatsorsorneqarput ilinniarnertuunngorniarnermullu ukiut pingasuullutik, inuussutissarsiornermik ilinniakkanut naatsunut ukiut marluk aammalu inuussutissarsiornermik ilinniakkanut nalinginnaasunut ukiut sisamat. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11M>).

Nuna ilinniarfik malillugu naammassinnittarneq

Kalaallit Nunaanni 2020-imi ilinniarnertuunngorniarnarlutik aallartittut 56 pct.-ii ukiut tallimat ingerlanerini naammassipput. Ukioq taanna Kalaallit Nunaata avataani ilinniarnertuunngorniarnarlutik aallartittut 82 pct.-ii ukiut tallimat ingerlanerini naammassisimasut. Kalaallit Nunaannit ilinniagaqarnersiuteqartut amerlanersaat Kalaallit Nunaanni ilinniartuusarput. 2020-imi 436-it ilinniarnertuunngorniarnarlutik allartissimapput, Kalaallit Nunaata avataani 38-t ilinniarnertuunngorniarnarlutik allartissimasut.

Inuussutissarsiornermik ilinniarfinni naatsuni nalinginnaasunilu Kalaallit Nunaanni ilinniartut Kalaallit Nunaata avataani ilinniartuniit amerlanerusut ilinniakkaminnik naammassinnissimapput. 2021/2019-imi Kalaallit Nunaanni ilinniartut 67 pct.-ii aammalu 49 pct.-ii inuussutissarsiornermik ilinniakkamik ukiunik marlunnik sivilunerusumillu sivilussuseqartumik naammassinnissimapput. Kalaallit Nunaata avataani ilinniartut 54 pct.-ii aammalu 32 pct.-ii naammassinnissimapput.

Titartagaq 3. Inuusuttunut ilinniarfinni ukiunik marlunnik sivilunerusumillu sivilussuseqartuni naammassinnittarnermut pct.-i, 2019-imi, 2020-imi 2021-milu aallartittut nuna ilinniarfiat malillugu




Nalunaarut: Ilinniarnertuunngorniarniarfinni ilinniagaq ukiunik pingasunik sivilussusilik kisimi pineqarpoq. Naammassinnittarnermut pct.-i ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq: Ilinniarnertuunngorniarneq (2020), inuusutissarsiornermik ilinniakkat naatsut (2021), inuusutissarsiornermik ilinniakkat nalinginnaasut (2019). Ilinniakkat sivilussusaat ukioq kaajallallugu naatsorsorneqarput ilinniarnertuunngorniarnermullu ukiut pingasuullutik, inuusutissarsiornermik ilinniakkanut naatsunut ukiut marluk aammalu inuusutissarsiornermik ilinniakkanut nalinginnaasunut ukiut sisamat. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11L>).

Ilinniakkap qaffasissusaanik aallartissimasamik naammassinnittarnerneq

Ilinniartut ilaat ilinniagaq aallartitartik unitsittarpaat inuusuttunullu ilinniarfimmu allamut ingerlaqqiinnartarlutik. 2018-imi siullermeerlutik inuusuttunut ilinniarfimmik aallartissimasut 61 pct.-ii ukiut arfineq-marluk iluanni inuusuttunut ilinniarfimmik naammassinnissimapput. Taakkunanga ilinniarnertuunngorniarnarlutik aallartissimasut 63 pct.-ii ilinniarnertuunngorsimapput 4 pct.-illi inuusutissarsiornermik ilinniarfimmik naammassiinnarsimallutik. Inuusutissarsiornermik ilinniarfinni aallartissimasortaasa 49 pct.-ii inuusutissarsiornermik ilinniakkamik naammassinnissimapput, 1 pct.-illu ilinniarnertuunnguinnarsimallutik.

Titartagaq 4. Inuusuttunut ilinniarfinni aallartinnermiit ukiut arfineq-marluk qaangiunnerini ilinniakkap killiffia, 2018-imi aallartittut malillugit



Inuusuttunut ilinniarfinni ilinniakkap qaffasissusaanik allamik naammassinnissimasut. Nalunaarut: Ilinniakkap killiffia ukiup naanerani ilinniartunut 2018-imi inuusuttunut ilinniarfimmik siullermeerlutik aallartissimasanut naatsorsorneqarpoq. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11N>).

Eqikkaaneq

Tabel 1. Ilinniarnertuunngorniarneq, 2020-imi aallartittut

2020-2025	Katillugit	Procentinngorlugit			
		Ukiut pingasut ingerlanerini naammassisut	Ukiut tallimat ingerlanerini naammassisut	Suli ingerlatsisut	Unitsitsisut
Katillugit	474	46,0	58,4	5,7	35,9
Angutit	169	36,1	47,9	7,1	45,0
Arnat	305	51,5	64,3	4,9	30,8
Kalaallit Nunaanni	436	43,4	56,4	6,0	37,6
Kalaallit Nunaata avataani	38	76,3	81,6	2,6	15,8

Nalunaarut: Ilinniarnertuunngorniarneq ukiunik pingasunik sivirususilik kisimi pineqarpoq. Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11L>, <https://bank.stat.gl/UDNISC11M>).

Tabel 2. Inuussutissarsiornermik ilinniarneq naatsiq, 2021-mi aallartittut

2021-2025	Katillugit	Procentinngorlugit			
		Ukiut pingasut ingerlanerini naammassisut	Ukiut tallimat ingerlanerini naammassisut	Suli ingerlatsisut	Unitsitsisut
Katillugit	274	65,0	66,4	0,7	32,9
Angutit	126	61,1	61,9	1,6	36,5
Arnat	148	68,2	70,3	0,0	29,7
Kalaallit Nunaanni	261	65,9	67,0	0,8	32,2
Kalaallit Nunaata avataani	13	46,1	53,9	0,0	46,1

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq. Najooqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11L>, <https://bank.stat.gl/UDNISC11M>).

Tabel 3. Inuussutissarsiornermik ilinniarneq nalinginnaasoq, 2019-imi aallartittut

2019-2025	Katillugit	Procentinngorlugit			
		Ukiut pingasut ingerlanerini naammassisut	Ukiut tallimat ingerlanerini naammassisut	Suli ingerlatsisut	Unitsitsisut
Katillugit	441	41,3	48,3	NA	50,8
Angutit	234	34,6	43,2	1,7	55,1
Arnat	207	48,8	54,1	NA	45,9
Kalaallit Nunaanni	416	41,8	49,3	0,7	50,0
Kalaallit Nunaata avataani	25	32,0	32,0	4,0	64,0

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq. Najooqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNISC11L>, <https://bank.stat.gl/UDNISC11M>).

Periaaseq

Siunertaq

Kisitsisitigut paasissutissani matumani siunertaavoq ilinniartut qanoq amerlatigisut ilinniakkamik aallartissimasaminnik naammassinnissimanerisa unitsitsisimanerisalu naatsorsorneqarnissaat. Kisitsisitigut paasissutissat siornatigut ilinniakkamik unitsitsisartut paasissutissaannut taarsiissutaapput.

Taamatutaaq ilinniartut qanoq amerlatigisut ilinniakkap aallartinneraniit ilinniakkap qaffasissusaanik naammassinnissimasut naatsorsorneqarput. Kisitsisinilu paasissutissani matumani ilinniakkap qaffasissusaanni ataatsimi ilinniakkap sammivianik allannortitsisarneq sillimaffigineqarpoq.

Nalunaarsuutit tunngaviusut

Piffissami 2003-miit ullumikkumut ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit

tunngavigalugit kisitsisitigut paasissutissat suliarineqarput.

Ilinniartut siullermeerlutik ilinniakkamik aallartitsisut aammalu siullermeerlutik ilinniakkap pineqartup qaffasissusaanik aallartitsisut aallaavigneqarput.

Ilinniakkat qaffasissusaat International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnerisut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl –imi Ilinniartitaanermit tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Kisitsisini paasissutissani inuussutissarsiornermik ilinniakkat naatsunut nalinginnaasunullu immikkoortiterneqarput. Inuussutissarsiornermik ilinniarnert siviinnerit ukiut marluk inorlugit siviussuseqartut tassaasinnaapput eqqumiitsuliornermik ilinniarneq, tapersersuisutut ilinniarneq portøritullu ilinniarneq. Imarsiornermi ilinniarnerep iluani modulikkaartumik ilinniakkat aamma ilanngunneqarput. Ingerlariaqqiffiusumik ilinniakkani naatsuni niuernermik ilinniarfimmi qaffasinnerusumik ilisimatusarnerit, procesteknikeritullu ilinniarneq ilanngunneqarput. Bachelorinngorniarnert professionsbachelorinngorniarnernut nalinginnaasumillu bachelorinngorniarnernut immikkoortiterneqarput. Professionsbachelorinngorniarnert tassaapput meeqqat atuarfianni ilinniartitsisunngorniarneq, peqqissaasunngorniarneq tusagassiortunngorniarnerep, nalinginnaasumillu bachelorinngorniarnert tassaallutik inuiaqatigiilerinermi ilisimatusarneq, erhvervsøkonomi iluani ilisimatusarneq aammalu teologi-mik ilisimatusarneq.

Periaaseq

Ilinniakkamik aallartitsisut ukiumi aallartiffiannit ukiut 1-10 qaangiunnerini ilinniartunut suli ingerlatsisunut nalunaarsuisarfianni ataatsimut ingerlanneqarput, tulliullugulu ilinniakkanik naammassinnissimasut nalunaarsuisarfianni ingerlateqqinneqarlutik. Ukiut tamaasa ukiumi pineqartumi ilinniartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Ilinniartut suli ilinniakkamik ingerlatsisutut imaluunniit naammassinnissimasutut nalunaarsorneqarsimanngitsut ”unitsitsisimasutut” killiffilerneqarput.

Ilinniartut ukiumi pineqartumi ilinniakkamik unitsitsisut ukiullu tulliani ilinniagaq aallarteqqillugu, ukiumi siullermi unitsitsisimasutut ukiullu tulliani ingerlatsisutut naatsorsorneqarput.

Ilinniagaq ataaseq pineqaraluartoq ilinniakkat ilai assigiinngitsunik ilisarnaasersugaapput. Ilinniagaq ataaseq assigiinngitsunik ilisarnaasersugaq sapinngisamik ilisarnaammut ataatsimut ingerlatinniarneqarpoq.

Naatsorsuineq

Ilinniakkat killiffiinut kisitsisitigut paasissutissat ilinniakkat aallartinneraniit ukiut tulliuttut 1-10 qaangiunnerini suli ilinniakkamik ingerlatsisutut, naammassinnissimasutut unitsitsisimasutulluunniit naatsorsorneqarput.

Tabelini ilinniarnermi killiffiit naatsorsukkat tassaapput:

- Ilinniakkami aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allangortitsisut sillimaffigineqarput.

Kisitsisitigut paasissutissani pineqartuni ilinniakkap qaffasissusaa, nuna ilinniarfik suaassuserlu malillugit naatsorsuisoqarpoq.

Killiliinerit erseqqissagassallu

”Unitsitsinermut” killiffimmi ilinniakkamik unitsitsigallartut ilaapput.

Kisitsisini paasissutissani matumani ilinniakkat killiffii ilinniakkami pineqartumi ilinniakkallu qaffasissusaani pineqartumi taamaallaat naatsorsorneqarput. Ilinniakkamik unitsitsisut unitsitserernerup kingorna ilinniakkap qaffasissusaani allami ilinniakkamik allamik aallartitsillutillu naammassinnissimasinnaapput.

Ilisamaatinut nassuiaatit:

... Paasissutissat pigineqanngillat

.. Paasissutissat tatiginanngitsut ilisarinnilersitsisinnaasulluunniit

. Kisitsisitaqarsinnaanngitsut

0 Affaanit mikinerusut

- Nul

* Kisitsisaagallartut imaluunniit missingersuut

Saaffiginniffissaq

Jonas Petersen

jope@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70

www.stat.gl · e-mail: stat@stat.gl

